



UNIVERSITÄTS-  
BIBLIOTHEK  
PADERBORN

**Bavaria Sancta Maximiliani Sereniss. Principis Imperii,  
Comitis Palatini Rheni, Vtrivsq. Bav. Dvcis Avspiciis**

**Rader, Matthäus**

**Monachii, 1615**

Gvndeberga Theodolindæ Filia, Garibaldi Boiorvm Regis Neptis, Regina  
Longobardorvm.

---

[urn:nbn:de:hbz:466:1-79686](https://nbn-resolving.org/urn:nbn:de:hbz:466:1-79686)



DE GVNDEBERGA THEODOLINDÆ FILIA,  
GVNDEBERGA  
THEODOLINDÆ FILIA,  
GARIBALDI BOIORVM REGIS NEPTIS,  
REGINA LONGOBARDORVM.

DCXXX  
VIII.

*Aimoi-  
nus lib. IV  
C. X. Sigo-  
nium lib. II.  
de reg. it.  
M. Velle-  
rus Boic.  
6V.*



*\* In castro  
Itala A-  
mello.  
Aim. lib.  
4V. c. X.*

Resit religiosissimæ matris vestigia, non impar vel pietate, vel pudicitia, vel religione filia, tam virtutum elegantia, quam rara formæ venustate visenda; nupta primùm Arioaldo Taurinorum principi, qui postea Longobardis imperavit, admirabili gratiâ oris, & flore corporis fatigavit oculos procerum Longobardorum, inter quos Adalulfus ausus eam etiam ad stuprum inuitare, quod ipsa tam indignè tulit, ut os impurissimum loquentis insputaret, quæ res, uti Gundebergæ apud omnem posteritatem gloriam haud vulgarem peperit, ita magnam & copiosam exercendæ patientiæ sementem sparsit. Adalulfus non solum conscientia sceleris exanimatus, sed etiam contumeliâ Reginæ inflammatus, ut scelus scelere, qui mos est impiorum, regeret, accusationem occupat, & Gundebergam apud maritum Arioaldum regem de veneficio parato defert. Regnum de vxore Iasoni Etruriæ principi desponsum. Graues calumniæ pronas alioquin ad suspicionem regum aures, & metus amittendi regni impulere Arioaldum, ut vxorem, hoc est, ipsam castimoniam ac virtutem, velut ream \* in vincula daret, in quibus tam diu hæsit, quoad res publico duello innocentia testis (sic enim secretas olim & incertas causas finiebant) commissa est. Producti duo in arenam, quorum alter Adalulfi, alter Gundebergæ partes defenderet: Certatum spectante populo vltimis viribus, quoad vicit innocentia, cecidit adulteri vicarius. Reddita luci & imperio Gundeberga locum tenuit, quoad rex vitâ simul & regno exueretur. Gundeberga in socium tori & imperij asciuit Harodum sanctissimis iurijurandi religionibus adactum, seruaturum æternam summi beneficij memoriam, jus & fidem nunquam violaturum. Omnia spondentur, cum regnandum est. Harodus in possessione regni collocatus, oblitus cæli & tori, Gundebergam immerentem in custodiam dedit, ubi illa quinquennium in luctu & lacrimis, votisque ac longâ abstinentiâ eximium cunctis tolerantia specimen dedit, donec Harodus Franci arma metuens, reginam absterfo carceris



GVNDEBERGA REGINA LONGOBARD. BOIA.



Cedite Graiugena: Romana Lucretia cede:  
 Illusa vicit Boia pudicitia  
 Ausa lacessentis spuer os infame dynastia,  
 Proq; fide lecti perfida vincula pati,

Donec commissa, est iusto pia causa duello,  
 Et vicit castus, iudice Marte pudor.  
 Sic regnum famamq; simul regna recepit,  
 Addidit et virtus dona, porome decus.

G

ceris



GVNDEBERGA REGINA LONGOBARD. BOIA



1. GVNDEBERGA REGINA LONGOBARD. BOIA  
2. GVNDEBERGA REGINA LONGOBARD. BOIA  
3. GVNDEBERGA REGINA LONGOBARD. BOIA  
4. GVNDEBERGA REGINA LONGOBARD. BOIA  
5. GVNDEBERGA REGINA LONGOBARD. BOIA  
6. GVNDEBERGA REGINA LONGOBARD. BOIA  
7. GVNDEBERGA REGINA LONGOBARD. BOIA  
8. GVNDEBERGA REGINA LONGOBARD. BOIA  
9. GVNDEBERGA REGINA LONGOBARD. BOIA  
10. GVNDEBERGA REGINA LONGOBARD. BOIA



ceris squalore regio cultu ornatam, per publicas vrbis vias & templa circumductam loco, regno & toro bona fide restituit, ac deinceps sincero amore & honore profecutus est. Hæc mortalium rerum vicissitudo est, vt læta tristibus, tristia rursus lætis temperentur.

Theodolinda mater lectissima, & sanctissima fæmina, ex præteritis annis non infelix, in summâ vitæ acerbitate, quod ita vitæ illius rationibus expediret, vltimum diem clausit. Filia in ipso vitæ curriculo varijs jactata tragœdijs, lætiorem exitum sortita est. Excitauit & ipsa, exemplo matris, D. Ioanni Baptistæ nobilissimam ædem Ticini, auro, argento, preciosâque supellectili ornatam, in quâ demùm ipsa velut suo quodam Mausoleo condita est. Coronidis loco subiiciam Gilulfi Foroiuliensis ducis filiam, Garibaldo, vt tradunt annales Boiorum, principi nuptam, tam laudatam pudicâque virginem, (seu Gallam, seu Appam, seu nescio quo alio nomine nuncupatam, nihil enim certi deprehendi) vt ab Hunnis cum tribus sororibus eiusdem virtutis, regijs puellis, capta, ne ab impuris & barbaris prædonibus violaretur, conditis, sub mamillari strophio, crudis pullorum carnibus, & calore corruptis, immanèque færentibus, non militum tantum vim & contumeliam effugerit (quod morte tamen plerâque redemisse, veterum exempla testantur) sed omnem sensum cogitationemque à se libidinis auerterit. Digna

certè virtus, quæ si in fastos Sanctorum non mittatur, saltem historiæ inferatur, æternis literarum monumentis celebranda.

